



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1846**

CVI. Der Rath der Stadt Werben errichtet bei dem Altare des h. Leichnames eine neue Commende, am 18. Octbr. 1500.

---

---

**Nutzungsbedingungen**

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

1521. Vor alsweme — Bekenne ick Jacob schulte borger to werben — dat ick vorkofft hebbe wedderkopes wyfe den — Compter sunth Johans haues to werben, borgemeestern vnd Rathmannen darfulueft vnd den ghekaren varstenderen des hospitalet sunte gertruden hufzes vor werben Eyn punt penn. stend. were jarlike rente vor VIII marck —. Des to orkunde hebbe ick Jacob Schulte vor my vnd myne husfrowe vnde vnse eruen myn Inghesegel withliken lathen hanghen nedden an duffen apen brieff. A. MDXXI. am dage michaelis des h. ertzenghels.

Orig. im Superintendentur-Archive.

**CVI. Der Rath der Stadt Werben errichtet bei dem Altare des h. Leichnames eine neue Commende, am 18. Octbr. 1500.**

Wy Burgermeister vnde Rathmann der Stad werbenn Bekennen apenbar vor alsweme, de defzen vnnzen apenbreff Zeen edder horenn lezenn, dat wy eyndrechtlichenn wollbedachtefz modesfz vnde szunderlichenn mit verloue willen vnde vulbordt defz hochwerdigen heren, Brodern Jürgen von Slaberndorff Ordenfz Sancti Johannis defz hilligen hufzes defz Hospitals to Jherusalem In der Margken, Saffzen, Wentlanden vnde In pommeren etc. Meistere, nach Inholde vnnde lude defz breuefz von syner gnaden darauer verfehelt dem allmechtigenn gode, Marien der-Reynen kuffchen Jungfrouwen syner moder vnnde alle godefz hilligen to ewygem laue, doch szunderlichenn In de ere vnnde werdeidit der hilligen Mertelre Anthony, Sebastiani vnde valentini auerste patronen allen Cristen Zelen vnde alle vnnzere oldernn vnde varuarnn Zelen to hulpe vnde to trofte, Irhauen vnde gestichtet hebben eyne Nye Commende In der parkergken vnnzere Stadt Sancti Johannis Baptiste auersten Patronen, de wy leggen vnde bestedigen to dem Altare Corporis Cristi darfulueft von vnnzen vorfarnn vormalls Irhauen vnde bestediget In fulcher mathe etc. — Szo denne de denste godes In mynslicher acht ane werliche hulpe nicht kan entholden werden, So hebben wy Burgermeistere vnde Rathmann to werben dem prester, de de Commende hefft In bouelinge, darto bestediget vnde bestedigen In crafft vnde macht duffes breues viff ferndell landes, belegen In dem gerichte to Bernndorpp neght defz hilligen lichamefz haue, de vormaels de hadewigen gehort hebben von en hyr togekofft nach lude eynes Instrumentefz darauer gegeuen Ewichlichen by fulcher Commende tobyuende szunder wedderkopp, darvon de Commendiste Jarlichs dren Stendelsche mark vpp Martini baren vnde entfangen mach: Vorder achtentich mark Stendelscher were houettols, de wy entfangen vnde vppgehort hebben von Innigen framen luden, by szodaner Commende ock ewichlichen tobyuende, de wy vpp wedderkopp angelecht vnde vthgedan hebben, Nach lude der verzegeldenn breue dar auer gegeuen: vnnde wy Burgermeistere vnde Rathmann scholen vnde willen szodan Summe houethstols mechtich syn vthtodonde vpp wiffze guder vmme Jarliche Renthé vpp eynen wedderkopp, wor idt vns behaget vnnde nutthe dungket syn, Szo dat de Renthé wefz darvon kummet dem prester Jarlichs auergereyket vnde gegeuen werden. Gegeuen to werben Nach Cristi vnnzes hernn gebordt vffteynhundert Jar, Am dage luce defz hilligen Euwangelistenn.

Nach dem Original im Superintendentur-Archive zu Werben.